




INCRE
 NOSSECVSFACTEMVITAE
 NACCEPMEVAVELAMSDEN
 VENTILIBOSCONSULECARTS

725





13
Anfang / vrsprung /
vnd stiftung des Eselstetischen Thar-
marckts / so bey der Stadt Quersfurt iherlichen
auff den Donnerstag in der Oster-
wochen gehalten
wird.

Sampt den Zweyen schönen Allen
Historien / Vom Herrn Brunone / dem Heili-
gen Merterer / Bischoffen in Preussen
Graffen zu Quersfurt / vnd
Herrn zu Smohen.

Item:

Von einer Gressin zu Quersfurt / welche
ihrem Herrn Burghard / Graffen zu Quers-
furt / auff eine zeit / Neun lebendige Kindlein ges-
born / der Achte durch obgemelten Herrn Bruno-
nem Bischoffen getaufft / vnd bey leben erhal-
ten worden. Aus alten Historicis /
Cronicken vnd Annalibus zu-
sammen gebracht.

M. D. LXVIII.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.



An den Christlichen Leser:



Keindlicher liebe Leser/
Es wird oftmals/ aus grosser
verwunderung von vielen leu-
ten gefragt/ wie doch ein sol-
cher Grosser/ Schöner/ Be-
rümpfter Jarmarckt/ vor die
Stadt Quersfurt in Thüringen/ auff dem
Stadt anger/ welchen man sampt daselbs ei-
ner gebawten Capellen zu Eselsstedt nennet.
Wollen auch ihr viel dauon reden/ vnd vrsach
anzeigen/ vnd wissen doch den Grund/ die Zeit
vnd Personen nicht/ wie des orts ein solcher
eilender Jarmarckt auffkomen vnd verordnet
sey. Derwegen ist solche alte Historia/ von ei-
nem erfarnen Historico beschriben/ in ein klein
büchlein gebracht/ vnd in Druck gegeben/ In
welcher Historien oder Geschichte der gütige
Leser/ mancherley vnd sonderlich fünff stück
zubedencken.

Zum Ersten/ Die wunderliche Gottes
werck Thaden vnd Geschichten/ mit den Neun
Kindlein zu Quersfurt/ Vnd mit den Dreihun-
dert vier vnd sechzig Kindlein/ in Holland/ das

A ij

bey

bey Gott alle ding möglich sein / denn er ist
Almechtig.

Zum Andern / Die Göttliche Vocation/
vnd Beruffung des Bischoffs Brunonis / aus
Welschenlanden in Preussen vnter die wüten-
de Tyrannische Heiden / Scitie vñ Sarmatie.

Zum Dritten / Des bösen Geists hinder-
ung / so er dem lauff des Euangelij thut / dnd
gern thun wolte.

Zum Vierdten / Das ein jeder Christ vnd
Christlicher Bischoff seiner Vocation trewlich
warten / vnd von seinen Schesslein nicht wei-
chen / da es auch gleich sein leben kosten solte.

Zum fünfften / Das der böse Geist allwe-
ge seinen Samen mit einmenget / die werck
Gottes lestert / vnd schetliche misbreuche
falsche Gottes dienste / vnd vnrechte
Lehre einfüret / vnd die Chri-
sten vom rechten Glauben
abfüret.

Von

Von etlichen Graffen vnd Herrn zu Quersfurt / vnd von ei- ner Gressin zu Quersfurt / welche auff ei- ne zeit Neun Kindlein geboren.

Das Erste Capittel.

In Ihare nach Christi Geburt /
als man Tausent vnd ein Jahr ges-
schrieben / Ist Keiser Heinrich der
ander mit dem Zunamen / der hinc-
ckende / des Gemahls gewesen die
Weilige Chunegundis / vnter dem
Papste Benedicto dem Achten / wel-
cher den Keyser Heinrichum Claudum / Anno Chri-
sti 1013. gekrönt / vnd der Papst Benedictus /
ist erwehlet / Anno Christi 1006. vmb dieselbige
zeit / vnd zu vorn auch vmb die zeit 996. jahr nach
Christi Geburt / hat gelebet ein Graffe vnd Herr
zu Quersfurt / mit namen Herr Bruno / welcher
ist gewesen des Geschlechts / des Römischen Key-
sers Lottharij des Sachssen vnd andern.

Sein Vater was auch Bruno genant / Graff
vnd Herr zu Quersfurt / vnd sein Gemahl mit na-
men Ida / der Geburt auch eine Edele Gressin /
die het irem Herrn zwen Söhne gezeuget / nemlich.

A iij

Bruno

Brunonem den Ersten vnd Eltern / dieser Bruno war zum ersten / ein Thumber zu Magdeburg im hohen Stiffte / vnd ein Capellan / Keyser Heinrichen des Andern / ist darnach ein Mönich ordens S. Benedicti in einem Kloster in Italia worden.

Der ander Sohn ist Gebhartus genandt / ward Graff vnd Herr / nach seines Vaters Tode zu Querffurt / seines Gemahls name ist vnwissentlich / Dieselbe het ihm auff eine zeit / Neun lebendige Kindlein zu Querffurt auff dem Schlosse geboren / die seind alle getaufft / Eins in der Kirchen des Schlosses zu Querffurt. Die andern acht Kindlein / sind im Braunsborn vnter dem Schlosse Querffurt gelegen / Getaufft worden.

Von diesen Neun Kindlein ist eins mit namen Burghardus / nach seines Vaters Gebhardi Tode / Graff vnd Herr zu Querffurt worden / vnd hette mit seinem Gemahl gezeuget / einen Sohn Gebhardum / Graffen vnd Herrn zu Querffurt / Seines Gebhardi Gemahel ist gewesen ein Erbtöchter von den Graffschafften Suppelinburg / vnd Arnsberg / damit hat er die Graffschafften Suppelinburg / Arnsberg / vnd darnach die Graffschafft vnd Herrschafft Querffurt seines Vaters bekommen.

Dieser Herr Gebhardus ist in einer Schlacht / welche die Sachsen mit Keyser Heinrichen dem vierden gehalten / erschlagen worden. vnd hat nach ihm zwene Sohne / einen Lotharium genandt /
daron

dauon schreibet Johannes Charlon in Historia
Lottharij/der ist darnach Hertzog zu Sachssen/
vnd Churfürst/vnd folgendt Römischer Keyser
worden.

Der ander Sohn des Graffen Gebhardi ist
gewest/Conradus ein Ertzbischoff zu Magdes
burg/Ein Bruder des Keyfers Lottharij des
Sachssen. Dieraus hat man sich Herrn Bruno-
nis Bischoffen in Preussen/Geschlechtes vnd her-
kommen zuberichten.

Diesen Herrn Brunonem/hat der Papst
Silvester der Ander vmb das 996. Jhar Christi
zum Apostel der Heiden in Preussen geordnet/
Vnd ihme zwene Brüder/Ordens Sanct Bene-
dicti/Nemlich/Benedictum vnd Johannem zu
gehülff gegeben/Welche alle drey eines Heiligen/
Frommen Lebens in der Heiligen Schrift wol
erfahren gewesen.

Dieser Herr Bruno ist aus des Papsts Sil-
vestri/des Andern/Beruffung vnd Befehl/mit
seinen Brüdern in Preussen gezogen/vnd hat
ihnen etliche Jhar hin vnd wider den Glauben
an Ihesum Christum geprediget/viel der Un-
glaubigen Heiden in Preussen/Sarmaten/vnd
Scyten zu Christo bekart.

Es haben aber Herr Bruno/vnd seine zwe-
ne Brüder/vonden Unglaubigen Preussen grosse
Verfolgung gehabt/vnd ward ihnen nach ihrem
Leben getrachtet.

Vnd Herr Bruno ist auff eine zeit aus
A iiij Preussen.

Prenssen gegen Querffurt zu seinem Bruder Geb-
hardo gezogen / vnd hat ihn besucht / ist sonst auch
seiner geschafft halben alhie im Lande ein zeitlang
geblieben / vnd etliche Bischoffe vnd Apte. ordens
S. Benedicti angesprochen / vnd wie etliche wol-
ten er sey auch zu Rom gewesen / vnd kam wider
rumb gegen Querffurt.

Als er nu nahe an das Schlos Querffurt / in
grundt da das kleine Wessertein in die Stadt
Querffurt vom Dorffe Luderstedt vnd dem Klos-
ter Mariacella flusst / an einem schönen Quelborn
vnterm Berge kommen / begegnet ihm ein Weibs
Bild / tregt vnterm Mantel etwas / gleich als we-
re es ein grosser Wandkorp / vnd da das Weib na-
he zum Herrn Brunoni kommet / schreien etliche
Kindlein vnter dem Mantel / gleich als weren es
junge Dündlein.

Da befielet der Bischoff Bruno seinem Die-
ner einem er solte besehen / was die Fraw trüge /
Antwort das Weib es seind junge Dündlein oder
Welffergen / spricht der Diener / decke den Man-
tel auff / des wegert die Frawe / also reist ihr der
Diener den Mantel abe / befindet der Bischoff
Bruno das es acht junge newe geborne Kindlein
sind / alle Lebendig liegen in einem Mittelmessig-
gen Kessel.

Also wird das Weib gedrungen anzuzeigen
vnd bericht zu thun / woher sie die Kindlein ge-
bracht / vnd wem sie zustendig seind / Derhalben
thut die Fraw allen Bericht / sagt die Kindlein
seind

seind der Gnedigen Frawen zu Querffurt / habe
ihr Nenne geborn / eins darunter behalten / vnd
ihr befohlen / die andern daselbst im Wesserlein
zuertrencken.

Als nue der Bischoff diese sache hõrete / ver-
bot er seinen Dienern vnd dem Weibe / solche er-
gangene geschichte stille zuschweigen / trat vom
Maulesel abe vnd Tauffet die Kindelein im schõ-
nen Quelborne / daselbst vnten am Schlosberge zu
Querffurt / dauon ist der Born bis auff den heu-
tigen tag der Braunsborn genand.

Vnd lesset sie nach der Tauffe in die kleine
Mühle / welche daselst noch stehet / tragen / be-
siet dem Müller vnd seinem Weibe / die Kinder
auffzuerziehen / gab dem Müller Geldt / das er sie
ernehren / vnd niemands dauon sagen solte. Vnd
die Mühl heist auch noch jetzundt die Brauns-
mühle.

Von dieser handlung wusten Graff Gebhart
vnd sein Gemahl die Gressinichts / vnd meinte
die Gressin / die andern acht Kindelein wehren nu
alle vmbkommen. Vnd da Bischoff Bruno folgẽs
der zeit widerumb in Preussen ziehen wolte / soll er
diese heimliche sachen / seinem Bruder Gebhart
gesagt / vnd ihn mit seinem Eide verpflichtet ha-
ben / das er dieser begangenen that / sein Gemahel
nicht wolte entgelten lassen / sondern sie zur Busse
bekeren.

Der Kessel aber darinne das Weib die acht
Kindelein getragen / hendet noch hentiges tages zu

B

Quer

Querffurt in der Schlos Kirchen für dem Chore/
eben in dem steinern schwebenden bogen mit einer
Ketten angeschmiedet / zum gedechtnis dieser Dis
torien dahin gehenckt.

Ein solche vnd dergleichen / jedoch viel wun
derlicher Historia findet man in einem Gedruck
ten Büchlein / ist ein außzug der Annalium vnd
Cronicken von Kostock / vnd Hamburg / wie
das etwan eine Gressin in Holland auff eine zeit /
364. Kindlein volkömlichen Alters vnd Leibes /
doch sehr klein / gleich wie junge Krebslein ge
born / welche alle mit dem Sprengel Betaufft
worden / Es ist ein vngleubig ding / vnd wider die
Natur / aber bey Gott ist nichts vnmöglich.

Alhie wollen etliche schreiben / der Bischoff
Bruno sey damals von Rom kommen / als er das
Weib mit den acht Kindlein antreffen habe: Denn
er dem Papste den lauff des Euangelij
vnd den Glauben der Preussen
verkündigt habe.

Wie Herr Bruno
der Bischoff widerumb in Preussen
ziehen wil / vnd was ihm in seinem aus
zuge bey Querffurt begegnet ist.

Das Ander Capittel.

Auff

Nuff eine zeit als nu Bisch: off
Bruno / widerumb von seinem
Bruder Gebhart in Preussen zie-
hen wolte / vnd seiner beruffung
folge thun / ist er mit seinen Die-
nern aus Querffurt gezogen /
Vnd als er für die Stadt Quer-
furt auff den grünen Platz oder Anger / da man
jetzundt ierlichen den Jarmarckt heldt kommen /
da ward sein Maulesel stetig / wolt weder hinder-
sich noch vorsich auch auff die seiten nicht gehen /
vngeacht aller schlege / peitschen vnd sporen / vnd
als sich der Bischoff eine lange weil mit dem
Esel geengstiget / desglichen auch seine Diener /
noch dennoch konten sie den Esel nicht fürder brin-
gen / da marckte Bischoff Bruno / das es entwe-
der von Gott ein zeichen oder offenbarung were /
das er nicht widerumb in Preussen ziehen solt /
oder das es des Sathans versuchung were / der
ihn an seinem Beruff wolte hindern / zog also
denselbigen tag widerumb nach Querffurt / vnd
verharret noch etliche tage alda.

Nu bedacht er sein Bischofflich Ampt / den
Beruff zu Gottes Wort / vnd das er Christo
die Weiden gewinnen solte / ergab sich williglich in
sein Creutz vnd leiden / was im widerfarē möchte /
vnd zog im Namen Gottes zu seinen Christlichen
Schaffen vnd Brüdern / widerumb in Preussen /
sieng widerumb an den Christlichen glauben an al-
len enden zu predigen / aber die Preussen / Seiten /

B ij

vnd

vnd Sarmaten / der ende waren sehr Abgöttisch /
wolten ihren vnglauben nicht lassen / so hette auch
Bischoff Bruno vnd seine gehülffen wenig schuz-
tzes / denn der Gleybigen Christen waren zur sel-
bigen zeit wenig / vnd die Heiden ihnen zu starck /
trachten dem Bischoff Bruno vnd seinen Brüs-
dern / desgleichen den newen Christen nach Leib
vnd Leben / vnd wolten sie Tödtten / vnd vers-
lagen.

Vnd als nun Bischoff Bruno vnd seine ges-
hülffen ohn vnterlas predigten / Bekarten viel
Heiden / Taufften sie / das die Kirche vnd Ge-
meine Christi zunahme vnd wuchse von Tage zu
tage / vnd die zeit kam / das Bischoff Bruno vmb
Christi willen leiden solte / ward er von den Hei-
den / Anno Christi 1008 gefangen / vnd wie
Caspar Dedion in seiner außserlesenen Cronica
in der Historia / Keyser Heinrichs des andern
schreibet / grausamlich gemartert / denn ihm die
Preussen (welche Dedion Brucos nennet) Arme
vnd Beine am leibe abgehawen / vnd zu letzt auch
das Haupt / vnd ist also durch solch Creutz vnd
Marter ergeben / Christo / ein geliebter Bekenner
vnd Marterer worden / darumb ist er zu Rom Ca-
noniziret worden / Also seind auch seine gehülffen
vnd Brüdere / durch andere Mittel von den

Preussen vmb **CHRIST**
Namens willen / getö-
tet vnd ermordet
worden.

Von

Von anfang des jar= marcks zu Eselftedt.

Das Dritte Capittel.


Nach solchem leiden / Herrn
Brunonis des Heiligen Bi-
schoffs / zu Preussen / haben die
alten Graffen vnd Herrn (zum
gedechtnis des heiligen Wertes-
rers Brunonis / auff den ort
vor Querffurt / da sein Eselftedt
tig worden / vnd da der Sathanas ihn an seinem
leiden / vmb des Namen Jesu Christi willen /
verhindern / vnd in grosse Sünde führen wolt.
Wie Christus sagt / Wer sein Leben lieb hat / vnd
wil es behalten / der wird es verlieren / Wer es
aber vmb meinet willen dahin gibt / der wird es
behalten / zum Ewigen leben) Ein Cappella /
welche noch hent stehet / gebawet.

Dahin vnd in die Schloßkirche zu Querffurt
ist darnach ein gros Ablass von Pöpfen / vielen
Ertzbischoffen vnd Bischoffen hingegeben / das
ein Wallart daraus worden / vnd vmb die zeit /
in der Osterwochen / als des Bischoffen Brunonis
Eself auff dieselbige zeit des jars stehen blichen / ge-
dechnis gehalten / vnd von alters diese Distoria

geprediget / das Ablass verkündiget / vnd viel heilighumb vmbgetragen worden.

Zu solchem Römischen Ablass / seind viel Menschen / ein gros Volck iherlich kommen / vnd wie es gemeiniglich geschicht / wo sich viel volcks samlet / da finden sich auch baldt die Kramer / Kauffer vnd verkauffer / also ist daselbst auch geschehen / daraus von ihar zu iharen allerley viel seltsame Wahre / nicht alleine Kramerey / sonder auch grosse Wendler / vnd mancherley stücke / vnd dinge von gemeinem Hausrathe / vnd allerley Handwercks arbeit / vnd seltsam ding dahin zu Marckte kömmet / das es wunder vnd nicht alles zuschreiben ist. Vnd es weret der Marckt nicht lenger denn zwene oder drithalben Tag / dara nach zugehet er bald / vnd sehet an / auff den Donnerstag in der Osterwochen.













154025


AB 154 025

X 197 8808



FORMA PHILIPPE TUA EST
MERS TUA RESCIA PINGINOYA
ES ANYE BONTSET TVASCRIP





13
Anfang / vrsprung /
vnd stiftung des Eselstetischen Thar-
marckts / so bey der Stadt Quersfurt iherlichen
auff den Donnerstag in der Oster-
wochen gehalten
wird.

Sampt den Zweyen schönen Allen
Historien / Vom Herrn Brunone / dem Heili-
gen Merterer / Bischossen in Preussen
Graffen zu Quersfurt / vnd
Herrn zu Smohen.

Item:

Von einer Gressin zu Quersfurt / welche
ihrem Herrn Burghard / Graffen zu Quers-
furt / auff eine zeit / Neun lebendige Kindlein ges-
born / der Achte durch obgemelten Derrn Brunos
nem Bischossen getaufft / vnd bey leben erhal-
ten worden. Aus alten Historiis /
Cronicken vnd Annalibus zu-
sammen gebracht.

M. D. LXVIII.